

四庫全書

史部

欽定四庫全書

史部

歷代建元考卷

四
五

詳校官編修臣溫汝适

編修臣程嘉謨覆勘

總校官知縣

臣楊懋珩

校對官編修

臣潘庭筠

謄錄監生

臣李崇寶

欽定四庫全書

歷代建元考卷四

秀水鍾淵映撰

漢劉氏

太祖高皇帝邦沛人以秦二世元年起兵為沛公乙未
楚義帝遣之滅秦為漢王己亥滅楚項氏即皇帝位都
長安用秦正以十月為歲首十二月丙午崩

孝惠皇帝盈太祖太子以丁未嗣立七年己丑崩母呂
后名後宮子為帝子立之太后臨朝九年崩大臣誅呂

氏廢少帝

太宗孝文皇帝恒太祖子封代王辛酉太尉周勃等迎立之十七年戊寅稱後元年又七年甲申崩

本紀十七年得玉杯

新垣平令人詐獻之

刻曰人主延壽于

是天子始更為元年

宋胡安國春秋傳曰元年即位之始年也自是累數雖久而不易此前古人君記事之例春秋祖述為編年法及漢文帝惑方士之言改後元年始亂

古制夫在位十有六載矣復稱元年可乎孝武又
因事別建年號歷代因之或五六年或四三年或
一歲再更使記注繁蕪莫之勝載夫歷世無窮而
美名有盡豈記久明遠可行之法也必欲傳久當
以春秋編年為正

孝景皇帝啓文帝太子以乙酉嗣立壬辰中元年戊戌
後元年共在位十六年崩

世宗孝武皇帝徹景帝子封膠東王立為太子庚子嗣

立太初元年正厯始以正月為歲首甲午崩在位五十四年改元十一

建元

六

元光

六

元朔

六

元狩

六

元鼎

六

元封

六
泰山改元

太初

四

天漢

四

太始

四

征和

四

後元

二

漢書終軍傳對曰今郊祀未見于神祇而獲獸以饋宜因昭時令日改定告元對奏由是改元為元狩劉仲馮曰按紀獲麟在元狩元年史記封禪書

元鼎三年有司始言元不宜以一二數乃目三元曰狩蓋追述也

史記封禪書有司言元宜以天瑞命不宜以一二數一元曰建二元以長星曰光三元以郊得一角獸曰狩云

漢書本紀夏四月癸卯上還登封泰山降坐明堂詔曰朕以眇躬承至尊兢兢焉惟德菲薄不明于禮樂故用事八神遭天地況著見景象肩然如有

聞震于怪物欲止不敢遂登封泰山至於梁父然後升壇肅然自新嘉與士大夫更始其以十月為元封元年

通鑑注曰應劭曰時頻年苦旱故改元為天漢以祈甘雨師古曰大雅有雲漢之詩周大夫仍叔所作以美宣王遇旱災修德勤政而能致雨故依以為年號也

宋胡三省通鑑注曰自古帝王未有年號始起于

此貢父曰封禪書云其後三年有司言元宜以天
瑞命不宜以一二數推所謂其後三年者蓋盡元
狩六年至元鼎元年也然元鼎四年方得寶鼎又
無由先三年稱之以此而言自元鼎以前之年皆
有司所追命其實年號之起在元鼎故元封改元
則始有詔書也宋王樹野客叢談曰前漢諸君末
年甚有異者文帝十六年改為後元年其說出
新垣平之詐候日再中以為吉祥故改元以求延

年之祚既詐覺被誅景帝猶且因之景帝七年稱
中元年又六年稱後元年至三年而終武帝在位
五十四年屢更年號最後更為後元而以二年終
不知當時何所據而分中與後謂之後則宜若有
盡乃不諱何耶自是之後不復建後元之號矣

孝昭皇帝弗陵武帝少子以乙未嗣立十三年丁未崩
改元三

始元

六

元鳳

六
來下紀元
以鳳凰

元平

元

中宗孝宣皇帝詢初名病已武帝曾孫戾太子孫史皇
孫子昭帝崩昌邑王立無道大將軍霍光廢之戊申帝
嗣立在位二十五年壬申崩改元七

本始

四

地節

四 以先者地震山崩水出
欲令地得其節于是改元

元康

四

神爵

四 以神
爵降改元

五鳳

四

甘露

四 以甘
露降改元

黃龍

元

高宗孝元皇帝爽中宗太子以癸酉嗣立在位十六年
戊子崩改元四

初元 五

永光 五

建昭 五

竟寧

元帝紀邊

垂長無兵革之事
其改元為竟寧

孝成皇帝驚高宗太子以己丑嗣立，在位二十六年甲

寅崩，改元七

建始

四

河平

四塞輒平改元
以河決隄

陽朔

四

鴻嘉

四

永始

四

元延

四

綏和

二

成帝紀：河平四年山陽火，生石中，明年改元為陽

朔。師古曰：朔，始也。以火生石中，言陽氣之始。

孝哀皇帝欣高宗孫定陶王子成帝立為太子以乙卯
嗣立在位六年庚申崩改元三

建平

四

太初元將

即建平二年二月除

元壽

二

建平二年六月待詔夏賀良等言赤精子之讖漢

家歷運中衰當再受命宜改元易號詔曰漢興二

百載歷數開元皇天降非材之祐漢國再獲受命

之符朕之不德曷敢不通夫基事之元命必與天

下自新其大赦天下以建平二年為太初元將元

年號曰陳聖劉太平皇帝漏刻以百二十為度八月詔除之曰待詔夏賀良等建言改元易號增益漏刻可以永安國家朕過聽賀良等言冀為海內獲福卒亡嘉應皆違經背古不合時宜六月甲子制書非赦令也皆蠲除之賀良等反道惑衆下有司皆伏辜

孝平皇帝衍高宗孫中山王子以辛酉嗣立即位五年乙丑為王莽所酖崩改元一

元始

孺子嬰宣帝曾孫以丙寅立為孺子王莽稱假皇帝在位三年戊辰莽廢為安定公改元二更始時起兵稱皇帝被誅

居攝二

初始元

漢書居攝三年十一月甲子莽上奏太后以居攝三年為初始元年漏刻以百二十為度奏可

新王莽元城人元帝后從子初封新都侯進安漢公攝

皇帝以己巳篡漢改正朔以十二月為歲首在偽位十五年更始元年癸未為漢兵所誅改元三

始建國

五

天鳳

六

地皇

三

漢書天鳳六年春莽見盜賊多乃令太史推三萬六千歲歷紀六歲一改元布天下明年改元地皇

淮陽王玄景帝後舂陵戴侯曾孫癸未諸將立之于高陽王莽誅遷都長安三年赤眉入關遇害改元一

更始

右西漢十一帝二百一十四年外王莽十五年淮陽王三年

西漢末諸國考

漢

劉盆子城陽景王後以乙酉為赤眉所立後二年丁亥降于世祖改元一

建世

成

公孫述茂陵人以更始二年甲申稱蜀王明年癸未即帝位于成都十二年丙申漢將吳漢拔成都戰死改元

一

龍興

時有龍出其府中因以紀號

隗囂天水成紀人以更始元年起兵應漢去莽年號改元一

漢復

按王莽末羣雄競起其年號可考者三他若梁王

永鍾武侯望孺子嬰俱以宗室稱帝王郎盧芳俱
以為劉氏稱帝其羣盜竊號者淮南李憲齊張步燕
彭寵海西董憲當時紀元與否紀載闕如覽者莫
能詳焉

世祖光武皇帝秀東陽人長沙定王後以壬午同兄縯
舉兵甲申更始封蕭王乙酉即皇帝位于鄴在位三十
三年丁巳崩改元二

建武

三十

建武中元

二

通鑑考異曰續漢志云以建武三十二年為建武中元元年紀年通譜云據紀志俱出范氏而所載不同此必傳寫脫誤今官書累經校定學者失于精審但見紀元復有建武二字輒以意刪去斯為繆矣梁武帝大同大通之號俱以中字是亦憲章於此今從袁紀范書

胡三省通鑑注曰洪氏隸釋云成都有漢蜀郡太守何君造尊榎閣碑其末云建武中元二年六月

按范史本紀建武三十一年次年改為中元直書
為中元元年觀此所刻乃是雖別為中元而猶冠
以建武如文景中元後元之類也又祭祀志載封
禪後赦天下詔明言云改建武三十二年為建武
中元元年東夷倭國傳建元中元二年來奉貢証
據甚明宋莒公紀元通譜云紀志俱出范史必傳
寫脫誤學者失于精審以意刪去梁武帝大同大
通俱以中字是亦憲章于此司馬溫公作通鑑不

取其說余按考異溫公非不取宋說也從袁范書
中元者從簡易耳

顯宗孝明皇帝莊世祖第四子立為太子以戊午嗣立
在位十八年乙亥崩改元一

永平_{八十}

肅宗孝章皇帝煊顯宗第五子以丙子嗣立
在位十四年戊子崩改元三

建初_八

元和_三

章和_二

漢紀章和元年秋七月壬戌詔以瑞物仍集改元章和

宋王應麟玉海曰賈逵傳陛下通天然之明建大聖之本改元正厯垂萬世則注改元謂改建初九年為元和元年八月癸酉說正厯謂元和二年始用四分厯二月甲寅

孝和皇帝肇肅宗第四子以己丑嗣立在位十七年乙巳崩改元二

永元

十六

元興

一

孝殤皇帝隆和帝少子生始百日嗣立丙午崩改元一

延平

元

孝安皇帝祐肅宗孫廢太子清河孝王慶之子以丁未

嗣立在位十九年乙丑崩改元五

永初

七

元初

六

永寧

一

建光

一

延光

四

孝順皇帝保安帝太子廢為濟陰王乙丑安帝崩閭后

立北鄉侯懿懿卒中常侍孫程等奉王即位在位十九
年甲申崩改元五

永建

六

陽嘉

四

永和

六

漢安

二

建康

一

孝冲皇帝炳順帝子年二歲以乙酉嗣立一年崩改元
一

永嘉

元

孝質皇帝纘肅宗玄孫渤海王子年八歲以丙戌嗣立

在位一年為梁冀所酖崩改元一

本初元

孝桓皇帝志肅宗曾孫蠡吾侯子以丁亥嗣立在位二

十一年丁未崩改元七

建和三

和平一

元嘉三

永興二

永壽二

延熹九

永康一

孝靈皇帝宏肅宗玄孫解瀆亭侯子以戊申嗣立在位

二十二年己巳崩改元四

建寧_四

熹平_六

光和_六

中平_六

弘農懷王辨靈帝子以己巳嗣立尋為董卓所廢酖崩
改元二

光熹

昭寧

孝獻皇帝協靈帝中子靈帝崩宦官殺何進董卓因廢
何太后少帝為弘農王帝以己巳嗣立在位三十二年
庚子禪位于魏後十三年壬子崩改元五

永漢_一

初平_四

興平_二

建安_{二十}

延康一

漢紀中平六年十二月戊戌詔除光熹昭寧永漢

三號

除三號復稱中平六年

右東漢十二帝一百九十六年

按東漢羣盜歷陽華孟稱黑帝句章許生稱陽明
皇帝黃巾張角稱黃天泰平前史但云偽稱非年
號也他若九江馬勉稱帝抱罕宋建稱河首平漢
王建號改元而名俱不載至於袁術之僭號壽春

亦無從考其年名蓋史家之失紀者多矣

昭烈皇帝備涿郡人中山靖王後以建安十九年甲午
取益州己亥稱漢中王辛丑即皇帝位三年癸卯崩改
元一

章武三

安樂思公禪昭烈帝太子以甲辰嗣立在位四十三年
癸未降于魏改元四

建興十

五

延熙二

十

景耀六

六

以太史奏
景星見改元

炎興元

三國志評曰禮國君繼體踰年改元而章武之三年則革稱建興考之古義體理為違

右後漢二帝四十三年通前二漢四百五十五年
宋書五行志劉備卒劉禪即位亦未踰月而改元
為建興此言之不從也習鑿齒曰禮國君即位踰
年而後改元者緣臣子之心不忍一年而有二君
也今可謂亟而不知禮矣君子是以知蜀之不能

東遷也後又降晉吳孫亮晉惠帝宋元凶亦然亮
不終其位惠帝號令非已元凶尋誅言不從也

魏曹氏

世祖文皇帝丕譙國人武帝操之子庚子嗣魏王位尋
受漢禪稱帝在位七年丙午殂改元一

黃初七

烈祖明皇帝叡文帝子以丁未嗣立在位十三年己未
殂改元三

太和六

青龍四

景初三

魏紀青龍元年春正月甲申青龍見摩陂井中二月帝如摩陂而觀龍改元

景初元年春正月壬辰山荏縣言黃龍見高堂隆以為魏得土德故其瑞黃龍見宜改正朔易服色以神明其政帝從其議三月下詔改元以是月為孟夏四月從地正也三年冬十二月時齊王已即位詔復以建寅之月為正

齊王芳明帝養子以庚申嗣立
在位十四年癸酉為司馬師所廢改元二

正始

九

嘉平

五

高貴鄉公髦文帝孫東海定王子以甲戌嗣立
在位六年己卯以討司馬昭遇弒改元二

正光

二

甘露

五
露降改元
以甘

元皇帝奂武帝孫燕王宇子以庚辰嗣立
在位五年乙酉禪于晉改元二

西晉

景元

四

咸熙

一

右魏五主四十六年

附考

烈祖景初元年遼東公孫淵自立為燕王遣司馬懿擊
斬之淵改元一

紹漢

吳

孫氏

大皇帝權吳郡富春人武烈帝堅之子長沙桓王策

之弟以漢末有江東壬寅改元辛丑稱帝在位三十一
年辛未殂改元六

黃武

七 以承漢
為土德改元

黃龍

三 以夏口武
昌黃龍見改元

嘉禾

六 以會稽南始
平嘉禾生改元

赤烏

十

太元

一

神鳳

一

三國志秋八月武昌言麒麟見有司言麒麟者太
平之應宜改年號詔曰間者赤烏集于殿前朕所
親見若神靈以為嘉祥若改年宜以赤烏為元羣

臣奏曰昔武王伐紂有赤烏之祥君亟觀之遂有
天下聖人書策載述最詳者以為近事既嘉親見
又明也于是改元

會稽王亮大皇帝少子以壬申嗣立在位六年為孫綝
所廢庚辰歲凶以謠言自殺改元三

建興二

五鳳二

太平二

宋書符瑞志孫亮建興二年十一月大鳥五見于
春申吳人以為鳳凰明年改元為五鳳

又曰吳孫皓建衡三年西苑有鳳凰集以之改元
義同于亮

景皇帝休大皇帝第六子封瑯琊王以戊寅嗣立在位
六年甲申殂改元一

永安

六

歸命侯皓大皇帝孫故太子和之子封烏程侯以乙酉
嗣立庚子降于晉在位十七年改元八

元興

一

甘露

一時告蔣陵
甘露降改元

寶鼎

三
所在得

天鼎
改元

建衡三

鳳凰三
鳳凰集改元以西苑言

天冊
一以掘地得銀冊改元

天璽一

天紀四

水經注孫皓天璽元年吳郡上言臨平湖自漢末

穢塞今更開通又于湖邊得石函中有小石青白

色長四寸廣二寸餘刻作皇帝字於是改天冊為

天璽元年

右吳四主五十九年

晉司馬氏

世祖武皇帝炎河內溫人高祖宣帝懿孫世宗景帝師
從子太祖文帝昭子嗣立晉王以乙酉受魏曹代禪庚
子平吳在位二十六年庚戌崩改元四

泰始十

咸寧五

太康十

太熙元年即
惠帝永

熙元年

宋令狐澄大中遺事裴憚詩有太康字宣宗曰太
康失邦何以此謂我宰執奏晉武帝改元太康曰

天子須博覽不然幾錯罪憚由是耽味經史夜觀
書不休宮中竊目上為老博士

孝惠皇帝衷世祖太子以庚戌嗣立在位十六年丙寅
崩改元十

永熙一

永平

旋改元康

元康

九

永康

一

永寧一

太安

二

永安

成都王改建武

建武

旋改永興

永興二

光熙

一

永康二年趙王倫篡位尊帝為太上皇尋反正倫誅改

元一

建始

孝懷皇帝熾武帝子封豫章王立為太弟以丙寅嗣立
在位五年辛未洛陽陷遷于平陽復二年被弑改元一

永嘉

孝愍皇帝業武帝孫吳王晏子以癸酉立于長安四年
丙子長安陷丁丑遇害改元一

建興

四

右西晉四帝五十二年

中宗元皇帝睿高祖宣帝懿曾孫瑯琊王覲子襲封鎮
建業以丁丑稱晉王戊寅即皇帝位在位六年壬午崩
改元三

建武一

大興四

永昌一

南陽王元保宣帝懿弟高密王泰之孫大興二年稱晉
王于岐山後為其將張春所弑改元一

建康

肅宗明皇帝紹中宗太子以癸未嗣立在位三年辛酉

崩改元一

太寧三

顯宗成皇帝衍肅宗太子以丙戌嗣立在位十七年壬

寅崩改元二

咸和九

咸康八

康皇帝岳顯宗母弟封瑯琊王以癸卯嗣立明年崩改

元一

建元二

晉帝紀或謂庾冰曰郭璞讖云立始之際岳山傾
立者建也始者元也岳山諱也冰瞿然既而嘆曰
如有吉凶豈改易所能救乎至是果驗

孝宗穆皇帝眇康帝子以乙巳嗣立時方一歲在位十
七年辛酉崩改元二

永和十

升平五

哀皇帝丕顯宗子以壬戌嗣立即位四年乙丑崩改元

二

隆和一

興寧三

唐陸勲集異志曰晉哀帝隆和初童謠曰升平不
滿斗隆和那得久桓公入石頭陛下徒出走朝廷
聞而惡之改年曰興寧人復歌曰雖復改興寧亦
自無聊生哀帝尋崩升平五年而穆帝崩不滿斗
升平不至十年也

海西公奕哀帝母弟以丙寅嗣立在位六年辛未為桓

溫所廢後薨于吳改元一

太和

太宗簡文皇帝昱中宗少子封會稽王以辛未即位二年壬申崩改元一

咸安

烈宗孝武皇帝曜太宗太子以癸酉嗣立即位二十四年丙申崩改元二

寧康

三

太元

二十一

安皇帝德宗烈宗太子以丁酉嗣立癸卯為桓玄所篡
甲辰反正二十二年戊午為劉裕所弑改元三

隆安五

元興三

義熙十

四

晉五行志曰桓玄初改年為大亨遐邇謹言曰二
月了故義謀以仲春發也

愚按元興元年桓玄改為大亨矣及篡位建元永
始後並黜之但稱元興年

恭皇帝德文安帝母弟封瑯琊王以己未嗣立二年戊

申禪于宋辛酉遇弑改元一

元熙二

右東晉十一帝一百四年通計兩晉一百五十六年

附考

惠帝永寧元年益州刺史趙廙自稱益州牧氏帥李特討平之偽元一

太平

見晉春秋

惠帝太安二年義陽蠻張昌據江夏奉山都縣吏丘沈
為主詐稱漢後陶侃討平之偽元一

神鳳

海西公太和五年廣漢妖賊李金銀李弘詐稱漢歸義
侯勢之子自立為聖王益州刺史周楚討平之偽元一

鳳凰

安帝元興二年楚王桓玄廢帝為平固王自稱楚帝明
年劉裕等起兵討誅之偽元一

永始

晉書玄傳曰初出偽詔改年為建始右丞王悠之曰建始趙王倫偽號也又改為永始復是王莽始執權之歲其兆號不祥冥符僭逆如此

愚按王氏玉海載桓謙有天康天安二號謙自桓玄誅後未嘗僭立豈惡元興之號改立年名而前史微之不載邪然亦不應遽有二號從晉書及通鑑可也

歷代建元考卷四

欽定四庫全書

歷代建元考卷五

秀水鍾淵映撰

東晉列國考

漢

劉氏後
改號趙

高祖光文皇帝淵新興匈奴人以晉永興元年甲子起
兵離石自稱漢王戊辰稱帝徙都平陽在位六年庚午
殂太子和立為弟聰所殺改元三

元熙四

永鳳一

河瑞一

璽于河改元
以得王

烈宗昭武皇帝聰淵第四子封楚王庚午殺太子和自立辛未陷洛陽丙子陷長安在位九年戊寅殂改元四

光興一

嘉平四

建元一

麟嘉三

少主粲聰太子以戊寅自立為靳準所弑改元一

漢昌

趙主曜淵族子封中山王進封秦王以戊寅即位于赤壁滅靳準改國號趙徙都長安在位十一年戊子為石勒所執遇害明年勒兵平上邽盡滅劉氏曜改元一

光初

十

魏書云曜得黑兔改元太和按石勒改元太和疆
場相接必無與曜同之理蓋魏收之誤不取

光初三年己酉句渠知叛自稱大秦曜遣游子平逐之
句渠知改元一

平趙

右漢趙劉氏四主二十七年

後趙

石氏
冉閔附 魏

高祖明皇帝勒上黨武鄉羯人始起兵附劉氏累封趙公以己卯稱趙王元年庚寅稱天王尋稱帝都襄國在位十四年癸巳殂改元二

太和二

建平三

一
海陽王弘勒太子以甲午嗣立為石虎所廢遇害改元

延熙元

太祖武皇帝虎勒從子一云從弟封中山王累王魏以

乙未自立稱天皇徙都鄴己酉稱帝殂在位十五年改元二

建武

十四

太寧

考異曰三十國晉春秋虎即位改元永熙陳鴻大
統歷云石虎即位改建平五年為延興明年改建
武按三十國晉春秋不記弘改元延熙虎之立實
延熙元年也故誤云永熙弘既號延熙虎安肯稱
永熙陳鴻云虎改建平五年為延興即是弘踰年

不改元也恐鴻說誤

建武三年安定王子光自稱大皇帝尋討平之僞元一

龍興

城王遵虎之子以巳酉殺太子世自立在位一百八十

三日為冉閔所弑

義陽王鑒虎之子以巳酉為冉閔所立旋廢弑之盡滅

石氏凡立一百三日改元一

青龍

新興王祗虎之子以庚戌嗣立于襄國二年為其將劉顯所弑降于冉閔改元一

永寧二

魏武悼天王冉閔魏郡內黃人虎之養孫以庚戌盡滅石氏稱帝三年壬子為燕慕容儁所殺改元一

永興

右後趙石氏二主五子三十三年冉閔三年

成

李氏後
改號漢

始祖景皇帝特巴西宕渠人以晉惠帝太安元年據廣漢稱益州牧明年癸亥改元為羅尚所殺雄立追上謚號

建初

太宗成皇帝雄特之子以甲子稱成都王丙寅稱帝在位三十年甲午殂兄子班立為雄子期所弑雄改元三

建興

二

晏平

五

玉衡

四
二十

通鑑考異曰十六國春秋目錄雄年號建興二晏

平五與華陽國志同今從之諸書雄改元晏平無
大武年號惟晉載記改元大武無晏平年號按雄
國號大成魏書雄傳云雄稱帝號大成改元晏平
故三十國春秋誤云大成載紀傳寫誤為大武今
從諸書去大武之號

哀皇帝班雄兄蕩之子立為太子以甲午嗣立為期所
弒謚戾太子壽立追謚不改元

邛都幽公期雄子以乙未自立在位四年為李壽所廢

改元一

玉恒

四

愚按李雄改元玉衡其子立復改玉恒衡與恒音相近其義安取弘華陽國志無玉衡有玉恒豈玉衡為期所改而紀載傳訛誤以為雄耶抑或期未嘗改元如五代諸君仍稱先號者耶無從考質姑據溫公所載書之

漢中宗昭文皇帝壽特弟驤之子累封漢王以戊戌廢

期自立改國號漢在位六年癸卯殂改元一

漢興

歸義侯勢壽太子以甲辰嗣立在位四年丁未降于桓
溫李氏亡勢改元二

太和二

嘉寧二

右成漢李氏五主四十三年

秦苻氏

高祖景明皇帝健畧陽臨渭氏人太祖惠武帝洪之子
欽定四庫全書

洪卒嗣統其衆以晉永和七年辛亥稱天王壬子稱帝
都長安在位五年殂改元一

皇始四

皇始二年張琚殺杜洪自立為秦王屯于宜秋健遣兵
滅之琚改元一

建昌

越厲王生健太子以乙卯嗣立三年丁巳為東海王堅
所弑改元一

壽光

載記羣臣奏曰未踰年而改元非禮也生怒窮推
議主得右僕駙段紀殺之

世祖宣昭皇帝堅健弟雄之子以丁巳即位癸未伐晉
敗還乙酉出奔五將山為姚萇所弑改元三

永興

二

甘露

六

建元

十二

建元十年蜀人張育起兵圍成都自稱蜀王遣鄧羌討
平之育改元一

黑龍

哀平皇帝丕堅庶長子封長樂公以乙酉立于晉陽明年為慕容永所敗襲洛陽晉將馮該擊殺之在位二年改元一

太安

太宗高皇帝登堅疎族封南安王以丙戌立于隴東在位九年甲午為姚興所敗改元一

太初八

末主崇登太子以甲午奔湟中即位冬為乞伏乾歸所
殺秦亡崇改元一

延初

太初八年丞相竇衝叛自稱察王討之不克後為姚氏
所滅衝改元一

元光

右秦苻氏六主四十四年

燕慕容
氏

烈祖景昭皇帝僞昌黎棘城鮮卑人高祖武宣帝廩之
孫太祖文明帝皝之子以晉永和五年己酉嗣父燕王
位稱元年壬子稱帝徙都鄴在帝位八年庚申殂改元二

元璽

五以詐稱得
傳國璽改元

光壽

三

幽皇帝暉僞太子以庚申嗣立十一年庚午為苻秦所
執封新興侯後以謀叛誅改元一

建熙

十一

右燕二主建號十九年通前遼東公廩燕王皝共

八十五年

後燕

慕容氏
高雲附

世祖成武皇帝垂太祖文明帝皝之子初封吳王奔秦
以晉太元九年甲申起兵稱燕王元年丙戌稱帝都中
山在位十三年丙申以伐魏殂于土谷改元一

建興

十

丁零王翟遼以戊子據滑臺自稱魏天王辛卯卒改元一

建元

翟釗遼之子以辛卯襲父位明年垂兵襲之釗奔長子
後為慕容永所殺改元一

神鼎

一作定鼎

烈宗惠閔皇帝寶垂太子以丙申嗣立丁酉魏人攻中
山奔和龍戊戌為臣蘭汗所弑在位三年改元一

永康

永康三年蘭汗弑烈宗自立為昌黎王長樂公盛討平
之汗改元一

青龍

開封公詳以丁酉留守中山自稱帝三月為慕容麟所殺改元一

建始

趙王麟垂子以丁酉殺慕容詳自立敗奔鄴後為慕容德所殺偽元一

延平

中宗昭武皇帝盛寶庶長子封長樂王以戊戌討賊嗣

立四年辛丑段璣作亂被傷殂改元二

建平一

長樂二

昭文皇帝熙垂裴長子少子封河間王以辛丑討賊立
丁未為寶養子高雲所弑在位七年改元二

光始六

建始一

正始元年 即高雲

惠懿帝高雲寶養子本高句麗支庶以丁未為馮跋等
所立三年己酉幸臣離班姚仁殺之改元一

正始

右後燕慕容氏四主二十四年高雲三年

西燕

濟北王慕容泓儁之子以晉太元九年甲申起兵攻秦
旋為其臣高蓋所殺改元一

燕興

成帝冲儁之子以故中山王同泓起兵為高蓋所立乙
酉稱帝于阿房明年為其下所殺改元一

更始

段隨慕容冲將為其下所立慕容恒慕容永殺之改元一
昌平

慕容覲故宜都王桓子為慕容恒所立恒弟韜殺之于
臨晉改元一

建明

慕容瑤冲之子慕容恒立之為慕容永所殺改元一

建平

慕容忠泓之子永立之為其下刁雲所殺改元一

建武

慕容永廐弟運之孫以丙戌稱帝于長子九年甲午為
垂所滅改元一

中興

右西燕凡七易主唯慕容永九年

南燕

慕容氏

世宗獻武皇帝備德本名德太祖文明帝皝少子封范
陽王以戊戌歲據滑臺稱燕王元年庚子拔廣固都之

稱帝乙巳殂在位五年改元一

建平六

北海王超德兄北海王納之子以乙巳嗣立六年庚戌
廣固陷為晉劉裕所殺改元一

太上

右南燕二世十二年

後秦姚氏

太祖昭武皇帝苻萇南安赤亭羌人始祖景元帝弋仲子

魏武王襄弟仕苻氏為龍驤將軍以甲申叛秦稱王丙戌稱帝改長安為常安都之在位十年癸巳殂改元二

白雀二

建初八

高祖文恒皇帝興義太子以甲午嗣立在位二十二年

丙辰殂改元二

皇初

弘始十七
稱王改元以降

後主泓興太子以丙辰嗣立丁巳降晉劉裕遇害于建

康在位二年改元一

永和

右後秦三主三十四年

夏赫連氏

世祖武烈皇帝勃勃匈奴劉衛辰之子仕姚秦封五原公以丁未稱大夏天王都統萬巳未稱帝在位十八年乙丑殂改元四

龍昇

六

鳳翔

五

昌武

一

真興

六

秦王昌勃勃次子以乙丑嗣立在位四年戊辰為魏所

獲改元一

承光

三魏書
作永光

平康王定昌之弟以戊辰立于平涼四年辛未為吐谷
渾王慕璜執送于魏被殺改元一

勝光

右夏赫連氏三主二十六年

北燕 馮氏

太祖文成皇帝跋長樂信都人以慕容熙建始元年丁

未擁立高雲已酉雲被弑跋討殺離班稱天王于和龍
在位二十三年庚午殂改元一

太平

昭成皇帝弘跋之弟以庚午殺跋太子翼自立在位六
年已卯為魏所逼奔高麗後二年被殺改元一

大興

右北燕二主二十八年

凉

張氏 悼公
世子大豫附

武穆公軌安定烏氏人以永寧元年為涼州刺史建寧二年封西平公在州十三年甲戌薨私謚武

元公實軌世子以建興二年襲位在位六年庚辰為妖人劉弘所殺私謚昭

建興

自五年至八年一作改元永安

晉書列傳曰元帝即位于建鄴改元大興實猶稱建興六年不從中興之所改也

成烈公茂實弟以大興四年襲西平公位趙劉曜拜涼

王在位五年甲申薨私謚成

建興

自九年至十二年
一作改元永元

忠成公駿實世子以太寧元年嗣立在位二十三年丙

午薨私謚文王

建興

自十三年至三十四
年一作改元太元

晉書列傳曰太寧元年駿猶稱建興十二年會有

黃龍見于捐次之嘉泉石右長汜禕言于駿曰案

建興之年是少帝始建之號帝以凶終理應改易

朝廷越在江南音問隔絕宜因龍改號以彰休徵
駿不從

咸和八年駿上疏稱臣而不奉正朔猶稱建興二
十一年

敬烈公重華駿世子以永和二年嗣立
在位十一年癸丑薨私諡桓

建興

自三十五年至四十一年一作改元稱永樂

長寧侯祚重華庶兄癸丑重華薨廢其子哀公曜靈自

立甲寅稱帝乙卯宋混起兵殺之改元一

和平

敬悼公玄靚曜靈弟張瓘等推為涼王在位九年為叔
天錫所弑私諡冲

建興

自四十三年至四十八年一作改元太始

晉書列傳曰玄靚既立廢和平之號復稱建興四
十九年及天錫專掌朝政改建興四十九年奉升
平之號

悼公天錫駿少子以興寧元年自立始奉江東正朔在位十三年丙子降于苻秦後淝水之戰歸晉復拜西平公卒

升平

東晉穆帝號天錫奉之一作改元太清

按張氏世為晉藩至奉西朝正朔垂五十年其僭立改元者長寧侯祚耳而小說相傳載有五號考之晉書及北魏書並無其事惟宋龔穎運歷圖載之因書其所奉晉朝正朔而附注于下以俟考

涼王大豫故天錫世子天錫南奔大豫亡至河西起兵
攻呂光據陽塢自稱涼州牧涼王兵敗為光所殺改元

一

鳳凰

右涼西平公張氏八世七十八年

後涼 呂氏

太祖懿武皇帝光畧陽氏人父婆樓苻秦太尉光累遷
驃騎將軍率兵平西域以乙酉還據涼州丙戌聞秦世

祖堅亡稱涼州牧酒泉公己丑稱三河王乙未稱天王
己亥稱太上皇傳位太子紹殂在位十三年改元四

大安三

麟嘉七

龍飛三

永康一

隱王紹光太子以己亥嗣立光殂為庶兄纂所弑不改
元

靈帝纂光庶子封太原公以己亥纂立為吕超所殺在
位一年改元一

咸寧

述異記呂光永康元年有鬼叫於都街曰兄弟相
滅百姓斃徼吏尋視之則無頭鬼其年光死子紹
代之五日紹庶兄纂殺紹自立據此則呂光尚有
永康一號而正史逸之矣今補入

建康公隆光弟寶之子以辛丑即天王位三年癸卯納
地於姚秦改元一

神鼎

三以番禾
得小鼎紀元

右後涼呂氏三主十八年

南涼

禿髮氏

烈祖武王烏孤河西鮮卑人以晉安帝隆安元年丁酉稱西平王後改稱武威王居樂都三年己亥卒改元一

太初

康王利鹿孤烏孤弟以己亥襲位稱河西王三年壬寅卒改元一

建和

景王儁檀利鹿孤弟以壬寅襲位更稱涼王甲辰去年

號奉姚秦戊申復稱涼王甲寅降于乞伏氏遇酖卒改

元二

弘昌 三

嘉平 七

右南涼禿髮氏三世十九年

北涼

沮渠氏
前附段業

涼王段業京兆人涼呂氏建康太守以丁酉稱涼州牧
建康公己亥稱涼王辛丑為沮渠蒙遜所弑改元二

神璽 二

天璽 二
作六璽

太祖武宣王沮渠蒙遜臨松盧水胡人始起兵奉段業
辛丑弑業自稱涼州牧壬子稱西河王辛未稱涼王都
姑臧在位三十年卒改元四

永安

十

玄始

十五

承玄

三

義和

哀王牧犍蒙遜子以癸酉嗣立在位七年庚寅降于魏
北涼亡改元一

永和

七

右北涼沮渠氏二世三十九年

西涼 李氏

太祖武昭王暝隴西成紀人爲段業效穀令以庚子稱涼州牧涼公都燉煌徙酒泉在位十八年丁巳卒改元二

庚子

五

建初

三

涼公歆暝世子以丁巳嗣立三年庚申爲蒙遜所殺國亡改元一

嘉興

涼李恂暝子以庚申據燉煌稱涼州刺史明年爲蒙遜

所殺改元一

永建

右西涼李氏二世二十四年

西秦

乞伏氏

烈祖宣烈王國仁隴西鮮卑人始事秦世祖堅以乙酉稱大單于尋稱苑川王在位四年戊子殂改元一

建義

三

高祖武元王乾歸國仁弟以戊子嗣稱河南王前秦封

梁王八年改稱西秦王為姚秦所敗降于禿髮氏尋歸
姚氏復逃還苑川己酉復稱秦王前後二十四年壬子
為國仁子公府所弑改元二

太初十

更始二

太祖文昭王熾盤乾歸世子以壬子嗣立在位十六年
戊辰殂改元二

永康八

建弘八

王慕末熾盤世子以戊辰嗣立在位三年壬申為夏主

赫連定所殺國亡改元一

永弘

三

右西秦乞伏氏四主四十六年

南朝

宋

劉氏

高祖武皇帝裕彭城人漢楚元王後晉下邳太守安帝
時起兵誅桓玄封宋王以庚申受晉禪在位三年壬戌
崩改元一

永初

營陽王義符高祖太子以壬戌嗣立二年甲子徐羨之等廢弒之改元一

景平二

太祖文皇帝義隆高祖三子封宜都王以甲子入立即位三十年癸巳為太子劬所弒改元一

元嘉十三

元嘉三十年太子劬弒帝自立武陵王討誅之偽元一

太初

世祖孝武皇帝駿太祖第三子封武陵王以甲午討逆
嗣立有位十一年甲辰崩改元二

孝建

三

大明

八

孝建元年豫州刺史魯爽竊造法服登壇自號建平元
年板南郡王義宣為天子遂同反被誅

孝建二年雍州刺史武昌王渾與左右作檄文自號楚
王改元永光以為戲笑廢為庶人逼令自殺

宋史繩祖學齋佔畢曰馮鏗事始載後魏孝莊時用錢稍薄高道穆曰論今復古宜改鑄大錢文載年號以記其始鏗遂以錢載年號始于此愚按杜佑通典歷叙古今錢幣之制載宋武帝孝建初鑄四銖錢文曰孝建一邉文曰四銖則是錢載年號實始于宋武孝建也孝建元年甲午距後魏孝莊永安二年己酉鑄永安五銖錢之歲凡七十有六年紀載昭昭豈可謂始于永安鏗讀書不精誤以高恭之奏請載年號以

記其事始遂以為事始于此不知高之奏乃謂改鑄
大錢年分之始非事始也此固可笑矣又舍中國正
統之年號事始取諸北狄偏閏之朝見識何汙下耶
廢帝子業世祖太子以甲辰嗣立元年乙巳遇弑改元二

永光

旋改
景和

景和

太宗改
泰始

太宗明皇帝或太祖第十一子封湘東王以乙巳立在
位八年壬子崩改元二

泰始 七

泰豫 一

晉安王子勛世祖子以泰始二年即位潯陽兵敗遇害改元一

義嘉

蒼梧王昱明帝子以癸丑嗣立四年丁巳被弑改元一

元徽

四

順皇帝準明帝三子封安成王以丁巳為蕭道成所立

三年己未禪于齊被弑改元一

昇明

三

右宋八主五十九年

附考

太祖元嘉九年蜀賊趙廣推道人枹罕程道養為蜀王
偽稱司馬氏裴明等討平之偽元一

泰始

太祖元嘉十三年仇池氏王楊難當自稱大秦王兵敗
奔魏改元一

建義

齊

蕭氏

太祖高皇帝道成南蘭陵人仕宋累封齊王以己未受禪在位四年壬戌崩改元一

建元 三

世祖武皇帝頤太祖太子以壬戌嗣立在位十二年癸酉崩改元一

永明 十一

鬱林王昭業世祖孫文惠太子子立為太孫以癸酉嗣立元年甲戌西昌侯廢弒之改元一

隆昌

海陵王紀史臣曰郭璞稱永昌之名有二日之像而隆昌之號亦同焉案漢中平六年獻帝即位便改元為光熹張讓段珪誅後改元為昭寧董卓輔政改元為永漢一歲四號也晉惠帝太安二年長沙王事敗成都王穎改元為永安穎自鄴奪駕河間王顥復改元永興一歲三號也隆昌延興建武亦三改年號故知喪亂之軌跡雖千載而必同矣

海陵恭王昭文鬱林王弟以甲戌為西昌侯鸞所立旋
廢改元一

延興

高宗明皇帝鸞太祖從子以甲戌自立在位五年戊寅
崩改元二

建武

四

永泰

一

東昏侯寶卷高宗太子以己卯嗣立在位三年辛巳遇
弑改元一

永元三

和皇帝寶融高宗子封南康王以辛丑即位于荊州明年禪于梁遇害改元一

中興

右齊七主二十二年

附考

世祖永明四年富陽民唐寓之反稱帝于錢塘發禁兵討平之偽元一

興平

東昏侯永元二年巴西民雍道晞反自稱鎮西將軍益州兵與郡兵合擊平之偽元一

建義

梁 蕭氏

高祖武皇帝衍南蘭陵人與齊同族始舉兵攻東昏和帝封梁王以壬午受禪在位四十八年己巳為侯景所幽崩改元七

天監

八

普通

七

大通

二

中大通

六

大同

十一

中大同

二

太清

二

太清二年臨賀王正德叛侯景立為帝明年廢而殺之
偽元一

正平

太宗簡文皇帝綱高祖第三子初封晉安王立為太子
以己巳嗣立二年辛未侯景廢而弑之改元一

大寶

豫章王棟高祖曾孫昭明太子孫華容公歡子以辛未為侯景所立尋廢湘東王使人殺之改元一

天正

武陵王紀高祖子以壬申即位于蜀癸酉兵敗為元帝所殺改元一

天正

南史列傳紀僭號于蜀改元曰天正暗與蕭棟同名識者尤之按棟以辛未廢而紀以次年壬申即位於

蜀因仍其號若自以為繼統之正者如後漢高祖
自立于晉陽託言未忍忘晉又惡開運之號乃改
稱天福閏位無紀紛雜乖錯誠如歐陽所譏也

世祖孝元皇帝繹高祖第七子封湘東王以壬申誅景
嗣位于江陵三年甲戌西魏入寇遇害改元一

承聖

建安公淵明高祖從子齊人納之于梁乙亥王僧辨立
之尋復位于敬帝卒改元一

天成

敬皇帝方智世祖第九子封晉安王以甲戌稱梁王乙亥嗣立三年丁丑禪于陳遇害改元二

紹泰一
太平二

永嘉王莊世祖孫以戊寅歲王琳自齊迎立居郢州庚辰伐陳兵敗奔齊卒于鄴改元一

天啓

右梁四主五十六年

附考

中宗宣皇帝登高祖孫昭明太子統之第三子初封岳陽王以承聖三年甲戌魏人立之于江陵在位八年壬午殂改元一

大定

世宗孝明皇帝歸中宗太子以壬午嗣立在位二十二年乙巳殂改元一

天保

二十

莒公琮世宗太子以乙巳嗣立二年丁未入朝于隋被
廢國亡改元一

廣運

北史琮年號廣運有識者曰運之為字軍走也吾
君其奔走乎

右後梁三主三十三年

附考

高祖大同元年鄱陽妖賊鮮于琛作亂內使陸襄討擒

之偽元一

上願

高祖大同八年安成望族劉敬躬據郡反湘東王遣兵
平之偽元一

永漢

高祖大同十年交趾李賁自稱越王至中大同元年討
平之偽元一

大德

太宗大寶二年侯景自稱漢皇帝明年王僧辨等進兵討之走至吳為其下所殺偽元一

太始

按梁書陳慶之傳大通元年沙門僧強自稱為帝攻陷北徐州其改元無考時帝方崇信釋氏捨身同泰而沙門亦妄竊鴻名蓋沴之召也

陳

陳氏

高祖武皇帝霸先吳興長城人梁末進封陳王以丁丑

受禪在位三年己卯崩改元一

永定

世祖文皇帝蒨高祖從子封臨川王以己卯嗣立在位
六年丙戌崩改元二

天嘉

六

天康

一

臨海王伯宗世祖太子以丙戌嗣立在位二年己丑為
安成王頊所廢改元一

光大

高宗宣皇帝頊高祖從子封安成王以戊子自立在位
十三年壬寅崩改元一

太建

長城煬公叔寶高宗太子以壬寅嗣立七年己酉降于
隋軍國亡改元二

至德

禎明 三

右陳五主三十一年

歷代建元考卷五

欽定四庫全書

史部
歷代建元考卷六

詳校官編修_臣溫汝适

編修_臣程嘉謨覆勘

總校官知縣_臣楊懋珩

校對官編修_臣潘庭筠

謄錄監生_臣李崇實

欽定四庫全書

歷代建元考卷六

秀水鍾淵映撰

北朝

魏

拓跋氏
改氏元

高祖昭成皇帝什翼犍其先世為鮮卑酋長至穆帝猗
盧晉封代王傳平文帝煬帝烈帝惠帝臣晉咸康四年
戊戌什翼犍嗣立始建年號三十九年丙子為子寔君
所弑國破于苻秦拓跋氏中絕

建國

三十
九

太祖道武皇帝珪昭成帝嫡孫世子寔之子以丙戌即
代王位改稱魏王十三年戊戌取燕即帝位始定國號
又十二年己酉為子紹所弑改元四

登國

十

皇始

二

天興

六

天賜

四

太宗明元皇帝嗣太祖子以己酉討紹嗣立在位十五
年癸亥殂改元三

永興

五

神瑞

四

泰常

七

魏書神瑞元年春正月辛酉以禎瑞頻集大赦改元

世祖太武皇帝燾太宗長子以甲子嗣立在位二十九年為宗愛所弑改元六

始光

四

神䴥

四

太延

五

延和

三

太平真君

十

正平

太平真君元年六月丁丑皇孫濬生大赦改元取冠謙之神書云輔佐北方太平真君是也

甫安隱王余世祖子壬辰宗愛立之旋為所弑改元一承平

通鑑考異曰宋索虜傳燾以烏亦盱用以為太子
會燾死使嬖人宗愛立可博真為後宗愛博真恐
為亦盱所危矯殺之而自立號承平博真懦弱不為
國人所附晃子濬字烏雷真勒索為燾所愛燕王
會國人曰博真非正不宜立真勒索嫡孫應立耳乃
殺博真及宗愛而立濬為主號曰正平與後魏書

不同又云在位二十八年皆宋書之誤也

高宗文成皇帝濬世祖嫡孫太子恭宗晃之子以壬辰
誅宗愛嗣立在位十四年乙巳殂改元四

興安

三

興光

元

太安

四

和平

六

顯祖獻文皇帝弘高宗太子以乙巳嗣立在位七年辛
亥禪于太子自稱太上皇又五年殂改元二

太安

二

皇興

五

高祖孝文皇帝宏顯祖太子以辛亥受禪立後遷都洛

陽改姓元在位二十九年乙卯崩改元三

延興_四

承明_一

太和_{二十}

世宗宣武皇帝恪高祖太子以己卯嗣立在位十七年

乙未殂改元四

景明_四

正始_四

永平_四

延昌

文景帝愉高祖子封京兆王以世宗永平元年舉兵于

信都稱帝兵敗賜死後子南陽王寶炬立于長安追上

謚號改元一

建平

肅宗孝明皇帝詔世宗太子以乙未嗣立在位十四年
戊申為母胡太后所酖殂改元五

熙平 二

神龜 二

正光 五

孝昌 二

武泰

一 潘貴嬪生女胡太后詐言皇子大赦改元

孝昌元年徐州刺史元法僧稱帝尋奔梁梁以為東魏

王改元一

天啓

敬宗孝莊皇帝子攸顯祖孫彭城王勰子戊申肅宗殂
胡太后立皇女又立高祖曾孫釗爾朱榮舉兵討亂奉
帝嗣立三年庚戌誅榮尋洛陽陷為其從子兆所弑改元
二

建義

即武泰元年
尋改永安

永安

北海王顥平王詳子嗣父封奔梁永安二年梁兵納之
顥即位于睢陽城南入洛陽為爾朱榮所敗走死改元二

孝基

建武

汝南文宣王悅高祖子以永安三年庚戌為梁人所立
聞爾朱兆入洛陽還後歸國為孝武所害改元一

更興

東海王曄恭宗之後初封長廣王以庚戌為爾朱氏所
立明年辛亥廢之而立節閔帝改元一

建明

節閔帝恭廣陵王羽子辛亥爾朱氏入洛迎立之嗣位
一年壬子為高歡所廢遇酖殂改元一

普嘉

安定王朗恭宗子章武王之後以辛酉為高歡所立明年壬子入洛陽與廣陵王同廢更立平陽王修未幾與東海王曄同遇害改元一

中興

孝武皇帝修高祖孫廣平王懷子封平陽王以壬子為高歡所立甲寅西奔長安為宇文泰所弑改元二

太昌

十二月
改永熙 永熙 三

孝武即位紀元永興以與太宗同號故改焉

孝靜皇帝善見高祖曾孫清河王懌孫亶世子甲寅歲
孝武西奔為高歡所立徙都鄴是為東魏在位十七年
庚子禪于齊遇害改元四

天平

四

元象

一

興和

四

武定

八

魏書元象元年春正月有巨象自至碭郡丁卯大
赦改元

文皇帝寶炬高祖孫京兆王愉子封南陽王甲寅孝武

殂于長安宇文泰立之在位十八年辛未殂改元一

大統

八十

沈德符正閏考曰案蘇綽大誥稱中興十一年仍安定王舊號也實則大統九年蓋安定雖高歡所立仍為歡所弑故追用其年若孝武帝凡三改年號且西奔長安依宇文泰乃盡廢其年不用則以末年與泰有隙也泰之無君且不學如此愚案宇文以高氏為偽烏肯奉其所立者之號及蘇綽傳

中興二十一年即大統之十一年也時有文帝振
將墜之緒比之周宣漢光且將行周禮廢年號故
改中興耳若云黜正統之孝武而紀未成君之安
定非篤論矣况文帝之憑藉宇文大統之元實即
泰所改何嫌而并置之乎

廢帝欽文帝太子以辛未嗣立壬申稱元年三年甲戌
為宇文泰所廢

恭皇帝廓文帝子以甲戌為宇文泰所立稱元年三年

丙子禪于周未幾遇弑

右魏自太祖稱帝傳十五主一百六十年東魏一主十七年

附考

太宗神瑞二年河西饑胡推胡人白亞粟斯為單于尋為其下所廢偽元一

建平

高祖延興元年妖賊司馬小君聚眾反于平陵武昌王

渾討平之偽元一

聖君

世宗正始三年泰州屠各王法智推主簿呂苟兒為主
安西將軍陸麗討降之偽元一

建明

世宗正始三年涇州民陳瞻聚衆稱王兼太僕卿楊椿
討斬之偽元一

聖明

肅宗正光四年沃野鎮民破六韓拔陵及至孝昌元年蠕蠕破殺之偽元一

真王

肅宗正光五年秦州民莫折大提稱秦王尋卒于念生自稱天子孝昌三年為秦州民杜粲所殺念生偽元一

天建

肅宗孝昌元年柔玄鎮民杜洛周反于上谷後二年為葛榮所殺并其衆洛周偽元一

真王

肅宗孝昌二年五原降戶鮮于修禮反于定州之佐城
為其黨洪業所殺偽元一

普興

肅宗孝昌二年鮮于修禮黨葛榮自稱齊帝至永安二
年爾朱榮討擒之偽元一

廣安

肅宗孝昌二年陳留郡民劉獲鄭辯反于西華尋敗死

偽元一

肅宗孝昌三年蕭寶寅稱帝于長安明年敗奔万俟醜奴永安二年死改元一

隆緒

敬宗永安元年河間邢杲反于青州自稱漢王上黨王元天穆討平之偽元一

天統

敬宗永安元年万俟醜奴自稱天子永安三年爾朱天

光討擒之偽元一

神獸

波斯國獻獅子于魏
醜奴留之因以僭號

肅宗孝昌元年稽胡劉彞升自稱天子東魏時高歡襲之北部王殺之以降偽元一

案紀年諸書載有孝文時沙門司馬惠御聖王伊祁苟應王定州人王金駒應王沙門瀟慶大乘幽州人王惠定明法寧武時幽州沙門劉僧紹淨居國時瀟王孝明時陳雙熾始建又敬宗時劉舉皇

武考之魏書及北史或以名國或以自號不言改元也去之

孝靜皇帝天平三年汾州胡王迢觸曹貳龍聚衆反署置百官渤海高歡討平之僞元一

平都

齊高氏

顯祖文宣皇帝洋渤海裔人太祖神武帝歡之子世宗文襄帝澄之弟嗣封齊王以庚午受魏靜帝禪在位十

年已卯俎改元一

天保十

北齊書帝紀初帝登阼改年為天保士有深識者
天保之字為一大人只十帝其不過十乎

廢帝濟南王殷顯祖太子以已卯嗣立元年庚辰為常
山王演所廢後遇害改元一

乾明

肅宗孝昭皇帝演顯祖弟封常山王以庚辰自立在位

一年殂改元一

皇建

世祖武成皇帝湛肅宗弟封長廣王以辛巳嗣立五年
禪于太子稱太上皇四年殂改元二

太寧一

河清四

後主溫公緯世祖太子以乙酉受內禪立在位十三年
丁酉為周師所逼禪于太子恒尋被執後遇害改元三

天統五

武平八

隆化一

北史劉逖傳武成崩和士開欲改元議者各異逖
清為武平私謂士開曰武平反為明輔逖作此以
為公士開悅而從之

安德王延宗世子以隆化元年留守晉陽即帝位二
日城陷為周師所執改元一

德昌

北齊書傳延宗改元識者以為德昌之文纔得二
日果二日而敗

幼主恒後主太子以丁酉受內禪立方八歲尋為周所執國亡改元一

承光二

范陽王紹義顯祖子以丁酉奔突厥即位庚子突厥執送于周徙蜀疾卒改元一

武平

愚案後主年號武平至八年改隆化明年幼主改承光未幾國亡范陽蓋以二號為亡國時所改仍

稱武平以繫民望如後漢劉氏之天福耳前史俱
曰改元非也

右齊五主二十八年

周

宇文氏

閔帝覺其先鮮卑宇文部人太祖文帝泰之子嗣為周
公以丙子受魏禪稱天王元年晉公護廢而弑之

世宗明皇帝毓太祖文帝子封寧都公以丁丑嗣稱天
皇已卯即皇帝位庚辰殂在位四年改元二

武安二

武成二

北史崔猷傳曰周明帝即位時依周禮稱天王不
建年號猷以為世有澆淳故帝王因以沿革請遵
秦漢稱皇帝建年號朝議從之

高祖武皇帝邕太祖文帝第四子封魯公以庚辰嗣立
丁酉滅齊在位十九年戊戌殂改元四

保定五

天和六

建德六

宣政一

宣皇帝贊高祖太子以戊戌嗣立己亥傳位太子稱天

元皇帝庚子殂改元一

大成

靜帝旋改大象

靜帝闡

一作衍

宣帝太子以己亥受禪立辛丑禪隋遇害

改元二

大象

大定

右周五主二十六年

附考

高祖建德五年稽胡劉蠡升之孫沒鐸自稱聖武皇帝

明年齊王憲討平之偽元一

石平

隋

楊氏

高祖文皇帝堅弘農人仕周襲爵隨公以辛丑受周禪
改隨作隋九年平陳在位二十四年甲子為太子廣所
弑改元二

開皇二

十

仁壽

四以隋興以來晝日漸長取其意以紀元

煬皇帝廣高祖次子初封晉王謀廢太子勇立為太子

以甲子立在位十四年戊寅為宇文化及弑于江都越
王侗立追謚世祖明皇帝改元一

大業

四十

恭皇帝侑煬帝孫元德太子之子封代王留守西京以
大業十三年丁丑為唐公李淵所立遙尊煬帝為上皇
禪于唐封鄴國公明年殂改元一

義寧

秦王浩高祖孫秦王俊之子宇文化及立之于江都至

魏縣弑之

恭皇帝侗元德太子之子代王兄封越王留守東京戊寅煬帝崩為留守官所立明年己卯王世充篡立被廢為潞國公遇弑改元一

皇泰

右隋三帝三十八年恭帝侗二年

附考

煬帝大業九年扶風桑門向海明自稱皇帝太僕楊義

臣討平之偽元一

白鳥

煬帝大業十年延安賊帥劉迦論自稱皇王屈突通擊平之偽元一

大世

恭帝侑義寧元年十二月桂陽人曹武徹反後事史失載改元一

通聖

恭帝侗皇泰元年

時代王以禪唐故以皇泰紀元

宇文化及弑秦王浩

稱帝于魏縣國號許明年己卯夏王竇建德討誅之改

元一

天壽

恭帝侗皇泰元年懷戎沙門高曇誠自稱大乘皇帝高

開道襲殺之偽元一

法輪

隋末諸國考

案隋末群雄並起離石劉胡自稱天子李弘芝自稱唐王下至管崇朱燮並竊鴻名而紀年之號史俱失載譬猶銅為黑山之流俱在所畧若沈氏正閏考則瑣瑣竊盜亦不復遺蓋彼意在博考而予則唯重年名耳

魏

邢公李密周李弼曾孫隋時襲封蒲山公以楊玄感黨亡命大業十三年丁丑據洛口倉即魏公位稱元年二

年戊寅為王世充所敗奔唐尋叛誅

河洛記曰
改元永平

夏

夏王竇建德漳南人以太業十一年起兵丁丑稱長樂

王都樂壽戊寅改國號夏二年己卯誅宇文化及四年

辛巳以救王世充為唐所殺改元二

丁丑

元

五鳳

四

燕

燕王高開道渤海人以太業十一年起兵掠燕地尋據北

平戊寅稱燕王辛巳降唐尋叛甲申為其下所殺改元一
始興

通鑑考異曰實錄唐書皆無開道年號柳璨注正
閏位歷六年號天成李昉歷代年號亦如之宋庠
紀年通譜武德元年開道年號始興云出歷代紀
要錄此號未知孰是今從紀要

漢東

漢東王劉黑闥漳南人夏王建德故將漢東公以辛巳

為建德舉兵壬午稱王癸未為其下執送于唐遇害改元一

天造

梁

梁王蕭銑梁中宗宣皇帝曾孫隋末為羅川令以大業十三年丁丑為巴陵校尉董景珍等所推稱梁王明年即帝位于江陵辛巳降于唐軍至長安遇害改元一

鳳鳴

涼

涼主李軌武威人隋鷹揚府司馬以大業十三年丁丑起兵稱河西大涼王明年稱帝二年丁卯為其臣安興貴執送長安被殺改元一

安樂

梁

梁氏

梁主梁師都隋鷹揚郎將以大業十三年丁丑起兵據朔方即皇帝位十二年戊子弟洛仁殺以降唐改元一

永隆

永樂

永樂王郭子和蒲城人隋左翊衛坐事徙朔榆林以大業十三年丁丑據郡稱王尋降唐賜姓李以功名終改元一

丑平

舊唐書作正平

秦

武帝薛舉汾陰人隋金城校尉以大業十三年丁丑起

兵據隴西稱西秦霸王尋即帝位二年戊寅卒太子仁
杲嗣立為唐秦王所滅改元一

秦興

定楊

定楊主劉武周馬邑人隋鷹揚府校尉以大業十三年
丁丑據馬邑戊寅稱帝于汾陽宮庚辰為唐所敗奔突
厥被殺改元一

天興

吳

吳王李子通東海人以大業十一年乙亥起兵淮南已卯稱帝于江都三年辛巳為杜伏威執送于唐以叛誅改元一

明政

吳王杜伏威章邱人以大業十一年乙亥起兵淮南隋恭帝侗封楚王唐改封吳王入朝薨

梁 沈氏

梁王沈德興武康人隋吳興太守聞宇文化及弑逆舉兵已卯稱王都毗陵二年庚辰為李子通所敗走死改

元一

延康

楚

附操
帥乞

元興王操帥乞鄱陽人以大業十二年丙子舉兵稱王尋中流矢卒其將林士弘代統其衆改元一

始興

楚主林士弘鄱陽人以大業十二年丙子稱帝七年壬午走入安成山洞病卒其衆遂散改元一

太平

七唐高祖實錄作延唐

楚

楚朱粲城父人以大業十一年乙亥據漢南稱帝降唐封楚王復叛歸王世充世充平伏誅改元一

昌達

鄭

鄭主王世充本西域胡人姓支氏仕隋恭帝侗為太尉
鄭國公進封王以皇泰二年篡立三年辛巳降于唐軍
徙蜀為仇家所殺改元一

開明

宋

宋主輔公柝臨濟人吳王杜伏威長史以癸未舉兵稱
帝于丹陽明年為李靖所殺改元一

天明

愚案宋小說載宋乾德初元有丹陽人掘地獲古銅錢文曰大宋乾德通寶識者知為輔公柝所鑄今考諸史公柝號天明非乾德也蓋小說家因寶儀辨蜀鏡事而譌者今不取

唐

李氏

高祖神堯大聖大光孝皇帝淵隴西成紀人涼太祖武昭王之後隋時襲祖虎爵唐國公以丁丑自太原留守起兵入長安戊寅受隋禪在位九年丙戌傳位于太子

稱太上皇又十年乙未崩改元一

武德

九

太宗文武大聖大廣孝皇帝世民高祖次子初封秦王
隱太子建成誅立為皇太子丙戌受內禪在位二十三
年己酉崩改元一

貞觀

二十
三

愚案宋應麟玉海載唐濮王天壽一號濮王即魏
王泰太宗愛子以奪嫡降封無僭號改元之事不

知王氏何據姑識于此

高宗天皇天聖大弘孝皇帝治太宗第九子初封晉王
立為皇太子以己酉嗣立在位三十四年癸未崩改元
十五

永徽

六

顯慶

五

龍朔

三

麟德

二
絳州產

麟又舍元殿前麟
趾見于是改元

乾封

二
泰山改元

總章

二
明堂改元以將作

咸亨

四

上元

二

儀鳳

二

調露

一

永隆

一

開曜

一

永淳二

孫生改元以皇

弘道一

儀鳳三年四月詔改明年為通乾元年十二月罷

通乾號

中宗孝和大聖大昭孝皇帝顯高宗第七子初封英王
名哲立為皇太子以癸未嗣立元年甲申武后廢為廬
陵王居房州改元一

嗣聖

武后旋
改文明

則天武后高宗后以甲申廢中宗立睿宗為帝臨朝稱

制又五年自稱皇帝改國號周乙巳復位于中宗偽立
二十一年改元十七

文明

旋改
光宅

光宅

一

垂拱

四

永昌

一

載初

一
昌元
以始用周正改永
年十一月為正月

天授

二
年即載元

初九月是月
始自稱皇帝如意九月即

長壽

二

延載

一

證聖

一

天冊萬歲

萬歲通天

神功

一

聖曆

二

久視

二
始復夏正元

大足

以成州
言佛跡

見改元旋
改長安

長安

四

通鑑太后春秋雖高善自塗澤雖左右不覺其衰
以齒落更生御則天門赦天下改元通天

紀異錄曰太后既立國號周又欲立武三思為後
狄仁傑切諫后曰奈何有武氏臨朝萬萬年之謠
對曰陛下改萬歲登封又改萬歲通天又改大足
元年則萬萬之數足矣后大悟即有歸中宗之意
中宗皇帝以己亥自房州還武后立為太子乙巳復立
反周為唐庚戌為韋后所弑改元二

神龍二

景龍四

殤皇帝重茂中宗少子封溫王以庚戌為韋后所立遜

于相王改元一

唐隆

愚案玉海云或曰唐元唐興唐安蓋開元天寶之間
間避諱改稱者而唐會要唐大詔令皆書唐隆實
則明皇踐阼之讖猶漢安樂之災興也

睿宗玄真大聖大興孝皇帝旦高宗第八子封豫王嗣

聖元年為武后所立天授元年廢為皇嗣中宗朝封相
王韋后弑逆王子臨淄王隆基誅之以庚戌迎立帝二
年壬子傳位太子後四年崩改元三

景雲二

太極

旋改
延和

延和

玄宗立改
為先天

景雲元年鄭愔與張靈均謀立中宗子譙王重復改元
中元克復謀覺伏誅

玄宗至道大聖大明孝皇帝隆基睿宗第三子初封臨
淄王舉兵討韋氏進封平王旋立為太子以壬子受禪

立乙未安祿山反丙申幸蜀太子即位靈武尊為上皇
後還長安壬寅崩在位四十四年改元三

先天元

開元

二十九

天寶

十四

天寶三年始改年為載

嘉話錄李丞相泌謂德宗曰陛下天寶元年生嚮
外言改年之由或以弘農得寶此乃謬也陛下此
年降誕故玄宗皇帝以天降至寶因改年號天寶
也

開元傳信錄曰唐開元末于弘農古函谷關得寶

符白石赤文止識索字識者解之曰索者四十八
所以察聖人御歷之數也及帝幸蜀之來歲正四
十八年得寶之時天下歌之曰得寶耶弘農耶弘
農耶得寶耶得寶之年遂改年為天寶

愚案天寶元年春正月丁未朔改元甲寅陳王府
參軍田同秀上言玄元皇帝于丹鳳門之空中告
以我藏靈符在尹喜故宅上遣使于故函谷關尹
喜臺旁求得之壬辰羣臣上表以函谷靈符潛應

年號先天不違請于尊號如天號字史書如此其
不因得寶改年明矣錄言妄也

天寶二載春正月丙申朔改年曰載

肅宗文明武德大聖大宣孝皇帝亨玄宗第三子封忠
王立為太子丙申玄宗幸蜀即位于靈武克復兩都在
位六年壬寅崩改元四

至德二

乾元

二自後復
以載為年

上元二

寶應

二以楚州表言
天賜寶玉改元

乾元二年制去年號但稱元年以建子月為歲首月皆以所建為數明年建巳月甲子改元寶應復以建寅為正月月數皆如其舊

代宗睿文孝武皇帝豫本名俶肅宗太子初封廣平王將兵復兩京以壬寅嗣立在位十八年巳未崩改元三

廣德

三

永泰

二

大厯

十
四

廣德二年吐番入京師立邠王守禮孫承宏為帝改元年號無考置百官寇退放之于華州

德宗神武孝文皇帝适代宗太子以己未嗣立癸亥涇源兵亂出奔甲子還京師在位二十六年甲申崩改元三

建中

四

興元

一

貞元

二十

愚案玉海德宗擬改元元慶復改貞元蓋合貞觀開元之名從李泌言也

順宗至德弘道大聖大安孝皇帝誦德宗太子以甲申嗣立明年傳位太子稱上皇崩改元一

永貞

憲宗昭文章武大聖至神孝皇帝純順宗太子以丙戌
受內禪立在位十五年庚子崩改元一

元和十
四

穆宗睿聖文惠孝皇帝恒憲宗第三子以庚子嗣立在
位五年甲辰崩改元一

長慶四

敬宗睿武昭應孝皇帝湛穆宗長子以甲辰嗣立在位
三年為宦官蘇佐明等所弑改元一

寶曆三

文宗元聖昭獻孝皇帝昂穆宗第二子封江王丙午宦
官王守澄等立之在位十四年庚申崩改元二

太和九

開成五

武宗至道昭肅孝皇帝炎穆宗第五子封潁王庚申中
尉仇士良等迎立之在位六年丙寅崩改元一

會昌六

宣宗元聖至明成武憲文睿智章仁神聰懿道大孝皇

帝忱憲宗第十三子封光王丙寅宦官迎立之在位十三年己卯崩改元一

大中

三十

懿宗昭聖恭惠孝皇帝淮宣宗長子封鄆王以己卯嗣立 在位十四年癸巳崩改元一

咸通

四十

蘇鶚杜陽雜編曰宣宗製泰邊陲曲其詞曰海岳宴咸通及上垂拱而年號咸通焉

僖宗惠聖恭定孝皇帝儼懿宗子封晉王以癸巳嗣立
庚子幸蜀乙巳還長安尋奔鳳翔戊申還崩在位十六
年改元五

乾符五

廣明元

中和四

光啓三

文德

光啓二年上幸興元朱玫立襄王煬為帝玫誅煬奔河
中為王重榮所殺改元一

建貞

唐無名氏玉泉子貞錄廣明年號識者以為黃巢

日月明年兩京沒焉

昭宗聖穆景文孝皇帝曄懿宗第七子封壽王以戊申
嗣立庚申為宦官劉季述等所幽立太子裕辛酉反正
宦官韓全誨等劫幸鳳翔癸亥還京甲子遷洛為朱全
忠所弑在位十六年改元七

龍紀

二

大順

三

景福

三

乾寧

五

光化

四

天復

四

天祐

一

大唐雜記曰唐昭宗文德二年正朔御武德殿有紫氣出昭德殿東隅鬱鬱如烟令大內留司尋其所出得金龍子一枚長五寸許羣臣稱賀帝曰朕不以金龍為祥瑞而以偃息干戈為祥瑞卿等各宜盡忠以體朕懷門下奏請改文德二年為龍紀元年

昭宣光烈孝皇帝祝昭宗第九子封輝王以甲子立三年丁卯為朱全忠所篡明年被弑不改元但稱天祐年

右唐二十帝共二百九十年

附考

高祖武德六年雋州人王摩沙自稱元帥尋討平之偽
元一

進通

玄宗天寶十五載安祿山陷東京自稱大燕皇帝明年
為子慶緒所殺偽元一

聖武

肅宗至德二載安慶緒弑祿山自立後走鄴郡為史思明所殺偽元二

載初

天成

通鑑考異曰唐厯曰改元天和薊門紀亂曰改元至成與實錄年號不同紀年通譜兩存之今從實錄

肅宗乾元二年史思明稱大聖燕王尋稱帝改元上元二年復改元為子朝義所殺凡偽元二

順天

應天

宋沈括夢溪筆談曰熙寧中得大錢三十餘千文
皆順天得一當時在廷皆疑古無得一年號莫知
何代物子案唐書史思明僭號鑄順天得一錢順
天乃其僞年號得一特以名鑄錢耳非年號也

肅宗上元二年史朝義弑思明自立代宗廣德元年兵
敗自縊死僞元一

顯聖

肅宗上元二年梓州刺史段子璋反據綿州自稱梁王

岡川兵擊斬之偽元一

黃龍

肅宗寶應元年浙東賊袁晁反于台州以建丑為正月
盡陷信州溫州明州諸郡廣德元年平之偽元一

寶勝

通鑑考異曰柳璨正閏位歷宋庠紀元通譜皆改
元昇國今從新書而沈氏正閏考兩存之愚案袁
晁草竊名號旋即執誅不應復有改元之事溫公

所去是也

德宗建中四年涇原兵亂上奔奉天朱泚稱大秦皇帝
于長安明年改號漢稱漢元天皇兵敗西走韓旻斬之
偽元二

應天

天皇

德宗興元元年淮西李希烈自稱大楚皇帝貞元二年
其將陳仙奇殺之以降偽元一

武成

懿宗咸通元年浙東賊裘甫自稱天下都知兵馬觀察使王式討平之偽元一

羅平

懿宗咸通元年黃巢自稱衡天大將軍僖宗廣明元年陷長安自稱大齊皇帝中和三年敗走四年其甥林言斬之偽元二

王霸

金統

何光遠鑑誠錄曰黃巢犯闕尚讓為相改乾符之

號為金統元年

昭宗乾寧二年義勝節度使董昌稱帝國號大越羅平
明年錢鏐討誅之偽元一

順天

會稽錄曰天冊一曰天聖

吳越備史曰年號或曰天冊或云天聖皆非也江
東羅諫議隱撰吳越行營露布曰羅平者啓國之
名順天者建元之始又曰

闕

門稱天國之

樓以會府為定室之地明矣

案唐高宗元曰睦州女子陳碩貞反自稱文佳皇
帝文佳係偽號非名年然以一女子倡亂致盜鴻
名傳之史冊與東漢之徵例徵貳我明之唐賽兒
胥人妖矣至玄宗時安南梅叔鸞自稱黑帝肅宗
時禪將康楚元稱南楚霸王亦盜名字之異者附
識之

歷代建元考卷六